



Broj: 01-34-3-2484-1 /18
Maglaj, 02.10.2018. godine

Na osnovu člana 23. Zakona o namještenicima u organima državne službe u Federaciji Bosne i Hercegovine ("Služben novine Federacije BiH", broj: 49/05), a u vezi sa Odlukom o potrebi raspisivanja javnog oglasa broj:01-34-3-2484/18 od 02.10.2018.godine, Općinski načelnik Maglaj objavljuje

JAVNI OGLAS

za prijem namještenika u radni odnos na određeno vrijeme u trajanju od dvanaest mjeseci

1. Referent za pomoćne, materijalno tehničke i uslužne poslove- 1 izvršilac u Službi civilne zaštite Općine Maglaj,

Opis poslova:

- priprema, obavljanje i evidencija materijalno tehničkih poslova, dostava, preuzimanje, te vođenje evidencije zaduženja nabavke i potrošnje potrošnog materijala i robe, obavlja poslove opskrbe administracije i Kabineta načelnika uključujući i uslužne aktivnosti, vrši posluživanje svih vrsta napitaka, održava higijenu inventara, sale i kabineta Općinskog načelnika, vodi evidenciju zaduženja kuhinje, od dobavljača vrši prijevoz sredstava za higijenu, roba za potrebe kuhinje (napitaka i dr.) i o tome vodi mjesečnu evidenciju, obavlja i druge poslove po nalogu rukovodioca i Općinskog načelnika.

Opći uslovi:

Opći uslovi propisani članom 24. Zakona o namještenicima u organima državne službe u Federaciji BiH (da je državljanin BiH, punoljetstvo, opća zdravstvena sposobnost za obavljanje poslova radnog mjesta, vrsta i stepen školske spreme potrebne za obavljanje poslova radnog mjesta, da u posljednje dvije godine od dana objavljivanja javnog oglasa nije otpušten iz organ državne službe kao rezultat disciplinske kazne na bilo kojem nivou vlasti u Federaciji BiH, odnosno BiH i da nije obuhvaćen članom IX 1. Ustava Bosne i Hercegovine).

Posebni uslovi:

- srednja stručna sprema, najmanje III stepen ili IV stepen KV, opći ili tehnički smjer
- položen vozački ispit B kategorije,
- radni staž: 6 mjeseci.
-

Uz prijavu na javni oglas potrebno je dostaviti slijedeće dokumente (original ili ovjerene fotokopije):

- Diploma ili svjedočanstvo o završenju školi;
- Uvjerenje nadležnog suda da se protiv kandidata ne vodi krivični postupak (ne starije od tri mjeseca);
- Uvjerenje o državljanstvu (ne starije od 6 mjeseci);

- Kopiju CIPS –ove lične karte;
- Ovjerena izjava kandidata da u posljednje dvije godine od dana objavljivanja javnog oglasa nije otpušten iz organa državne službe kao rezultat disciplinske kazne na bilo kojem nivou vlasti u Federaciji BiH, odnosno BiH;
- Ovjerena izjava kandidata da nije obuhvaćen odredbom člana IX. 1. Ustava BiH;
- Potvrda o radnom stažu;
- Dokaz o položenom vozačkom ispitu “B” kategorije;
- Uvjerenje o općoj zdravstvenoj sposobnosti bit će dužan dostaviti izabrani kandidat prije stupanja na rad.

Svaki kandidat je dužan u prijavi dostaviti svojeručno potpisanu Izjavu da daje izričitu saglasnost Općini Maglaj, za obradu njegovih ličnih i posebnih podataka sadržanim u dostavljenoj dokumentaciji uz prijavu na javni oglas, u svrhu i na način obrade ličnih podataka na osnovu zakona ili drugog propisa, a u skladu sa Zakonom o zaštiti ličnih podataka.

Radni odnos se zasniva uz obavezan probni rad u trajanju od tri mjeseca.

Javni oglas ostaje otvoren 15 (petnaest) dana računajući od posljednje objave u jednom od tri dnevna lista koji se distribuiraju na cijelom prostoru Federacije BiH.

Prijave sa potrebnom dokumentacijom dostaviti u zatvorenoj koverti putem pošte, preporučeno ili predavanjem na pisarnici Općine Maglaj, na adresu:

Općina Maglaj, Općinski načelnik, Viteška broj 4. Maglaj, sa naznakom “Javni oglas za prijem namještenika u radni odnos na određeno vrijeme u Općini Maglaj-NE OTVARATI”

Nepotpune i neblagovremene prijave neće se uzeti u razmatranje.

OPĆINSKI NAČELNIK
Mirsad Mahmutagić

